

DEO OPTIMO MAX. UNI ET TRINO,

VIRGINI DEI-PARÆ, ET S. LUÆ,

Orthodoxorum Medicorum Patrono.

QUÆSTIO MEDICA*,

QUOD LIBETARIIS DISPUTATIONIBUS;
*manè discutienda, in Scholis Medicorum, die Jovis decimâ-quintâ mensis
Novembris, anno Domini M. DCC. LXXXI.*

M. HENRICO-HERCULE CHAMPAGNE DU FRESNAY,
Doctore Medico, Præfide.

An convulsionibus recens natorum vomitoria?

I.

VITALES auras vix carpsit tenellus infans, cum hominis tyrocinia poni jubet ingruens malorum caterva; non erat satis, quod, dum è materno carcere crumperet, mortis undèquaque laqueis premeretur; reverà quàm variis partûs tempore, patuit insulstibus novus orbis hospes; si iniquum obtinuerit situm, si perversa fuerit pelvis structura, si ob nimiam corporis molem, arctior evaserit pelvis ejusdem apertura; si avulsæ ictu immaturo placentæ radiculae, fuderint uberiores sanguinis copiam; si ex rupturâ funiculi umbilicalis imminuerit lethalis hæmorrhagiæ periculum; si uterus recti sitûs immemor, ad latera, ad posticam, ad anticam partem nimis deflexerit; si prævius fuerit exitus sedû funis umbilici, sedû placentæ; si convulsionibus correpta fuerit parturiens, has inter tragœdias quot varii generis neces foetus quasi filo suspensæ, tenerum vitæ germen depascent, ni procellam instantem propulset perita obstetricantis manus: an tantis emptam periculis vitam recreabit benignior lucis usura? Ab tenore eodem evoluta decurrent nascentis ævi stamina; & nondum ex uteri latebris omnino emerisit infans, & jam querulo vagitu concessum munus accusat: dum enim ab aeris tactu, à vividâ luminis fontique impressione diversas patitur molestias; dum expansi pulmonum folles, sub insolito irruentis aëris pondere, sub novâ sanguinis transmittendi actione fariscunt; dum circulatio à primis moribus, si fas ita loqui, degener, suas mutat vices; dum tremuli artus, irrequietis & ferè convulsis jactationibus, aut laboranti machinæ condolere, aut excitandæ in tenui corporeculo mutationi, favere videntur; dum nerveos intestinorum apices vellicat retentum mæconii onus, misellus infans, inter ejulatus, discit à doloribus præsentiorum existentiae conscientiam mutuari: intercèa voluit prudens Natura ut jejunium quadraginta aut sexaginta horarum has vitæ primitias quasi consecraret, si quidem exsuecra ubera sugenti nullo modo respondent; erat igitur necessarium ut silerent ob maximam partem functiones naturales, dum tacito veluti pede procedit functionum vitalium evolutio;

* Auctore PAULO GABRIELE LE PREUX, anno 1765.

E

7

simul atque lac in mammarum tubulos irrepserit, citrà ullum novæ metum; urgentem poterit infans famis stimulum retundere, nestareque vivifico sese prolucere, blandis oculis ad gratum titillationis sensum subridente matre; sed ludunt me fabellæ! ubique adest nomen matris, nullibi officium. An dignitate maternâ cohonestandæ feminæ, quibus sat est peperisse, sat per novem menses prolem gestasse, quæ nolum adblandienti vultu recens editam progeniem excipiant, nedum sanctissimum illum corporis fontem generis humani educatorem recludant, prolem, brevi, à complexu arcendam curant, conductuâque, proh dedecus! mercantur mammas quibus extillabit lac variis fortasse morborum seminibus foetum, quo degustato potabit infans longa diræ novæcæ oblivia; sed proculecatis naturæ legibus, instabit ultrix poena pede non clauda; & matres & natos sævis demetet ictibus sors luctuosa; à genuino tramite lac aberrans, modo impere quasi factò, cerebrum, pulmoneque puerperarum impetet, præcipitesque detrudet ad Orcum, modo per lamellas textus cellulosi subrepens, partes lento morsu exedet; divulso à maternis uberibus non minora impendebunt pericula; plantulamingas, opimæ telluri commissam, quæ succis è nativo solo depromptis dives fronde fructuque luxuriat, hanc si telluri novæ inferas, jam pristinæ oblita formæ demitter caput, dabitque, marcescens, ventis ludibria; non aliter infanti, dum venale lac fugit, suus abit genarum decor, vanescit vividus ille sanitatis flos, celerique gradu properat tabes, quam insequitur morborum ilias; hinc tristes diarrhææ, enormes vomitus, ventris tormina, hinc convulsiones, dirum morbi genus, quo non crudelior alter, si quidem sæpè necem prius intulit quam advolaverit ars salutaris. Ista convulsivorum species, de quâ dicere animus est, intrâ primum à natalibus annum adoritur, caputque maximè infestare solet; attamen prius in tractu intestinali scena agitur; intumescit venter moxque coarctatur, statimque membris paululum rigescentibus, musculos faciei invadit convulsio, subsultum ludunt labia, tremunt alæ narium, mirum in modum rotant oculi & vix tertia vice redibit convulsio, cum mors jam prædam arripuerit; ferociæ hujus morbi debellandæ cum minimè conducant remedia antispasmodica & alia ejusdem profapiæ, vomitorium usum, ratiocinio, analogiâ, experimentis fuli, confidenter proponimus.

I I.

EA est infantilis machinæ fabrica, ut exile ac tenerrimum sit fibrarum stamen, ut laxa corporis compages sero dissolvatur, pulsus sit frequens, acereque deprehendatur calor; ex delicatiori fibræ texturâ sequitur generis nervosi mobilitas, totius corporis vasorum systematis imbecillitas; statum hunc pendenti mirum ne videbitur, hinc tantam adesse in infantili ætate ad convulsiones proclivitatem, hinc agmine frequentiori morbos à ferossâ colluvie occurrere; quoad functiones naturales eo sese habent modo, intensior viget appetitus, chilosique brevi absolvitur: attamen ob debilitatem virium digestivarum, vitiata semper remanet digestio, ingestorumque summa plus minusve in intemperiem acidam facit; hinc fit ut in primis viis apud infantes semper delitescat foeda colluvies quæ sanguinis alveo immersa, viscerum infarctus procreat; his generalioribus morborum infantiliuni causis suffragatur sedula observatio; nunc causas speciales ad trutinam revocare non abs re erit; quando materona ubera non duxit infans, colostro orbatu quo veluti blando medicamine, natura mæconii reliquias abstergere amat: hinc sæpè sæpius evenit ut residua pars, ob eam quâ pollet acrinopiam, sensiliores intestinorum fibras stimulet, stimulatâ distradat, distractas ad nîsus contractiles provocet, sicque dira ventris tormina,

mox convulsiones gignat. Eisdem exercet effectus majori ingestum copiam lac spissioris consistentiae: refert Clarissimus *Wanswieten*, se vidisse post mortem ventriculum adeo distentum ingenti caseosa mole, ut mirum non fuerit lethales hinc ortas fuisse convulsiones; vomitus diu protracti, hospites in primis viis saburra, lac vergens seu ad acidam, seu ad alkalinam indolem convulsiones arcescent, praesertim si à parentibus hypochondriacis ortum repetat infans; ex memoratis convulsionum causis, lux forsitan, praxi medicae affulgebit: jam ratio prius in varias nutans partes, stare discit, jam arma cudit quibus victrix domito insulset hosti; jam clara voce ad emeticorum usum veluti ad sacram salutis anchoram confugiendum esse clamat; revera quam arte ad certum componeretur ordinem praeceptis ac irregularis fibrarum motus, nisi, saburrâ, mediantibus vomitoriis, ritè expurgatâ, perpetuis contractionum inordinatarum stimulus avelleretur.

I I I.

PER arduos Medicae praxeos calles, toties fulcris opus est, quoties è loco pes movendus; utquè via tutior pateat, mille interroganda modis natura, seu ratiocinii, seu analogiae, seu experimentorum ope; quoad ratiocinium, in hoc sapere usquè ad sobrietatem congruum est; magnum quid audeant aliquando in quibus faces subministravit analogia, saepe successus mensura fuit eadem, quae fuerat audaciae; dum reputat secum illustrissimus *Carpus*, quassdam herpetum species mediantibus mercurii inunctionibus feliciter curari, aliundèquè in memoriam revocat, terribimam illam pestem fontes voluptatis atro insipientem veneno, praeter numerosam accidentium quos invehit familiam, herpetibus aliquando cutim foedare, analogicè concludit vim mercurii in eradicando herpete venereo non fore infirmiore, statim mercurium in usus vocat, palmamque hanc praeripit ut primus relucanti hydrae frenum iniciat, pareatque necem; liceat & nobis ex analogiâ depromere rationem methodi quam ad domandas infantum convulsiones proponendam statuimus; in convulsionibus adultorum, quoties genuina morbi causâ in obscuris laet, usurpari emetica lex quasi sancita est; infantes dira torquet tussis cujus feritas cò magis crescit, quò largiori propinantur dosi olea, tussis hæc ut constat apud praticos melioris notæ, est mera ventriculi convulsio, & huic convulsioni tam prospero cedit omne emeticorum ulus, ut totus curationis cardo in hoc volvatur. Cum morbum hunc inter & convulsiones mox memoratas nullum aliud ferè intercedat discrimen, nisi ratione loci affecti, plusquam verisimile est eandem requiri medelam: sed novum illud ædificium, firmiori experientiae basi adstruendum.

I V.

PENDET ab experientia omnis in re medica certitudo; sed dum quisque experientiam invocat, contingit ut hanc detorqueat saepe ad praconceptas opiniones, summo perè igitur cavendum ne gliscat error, detque jura fallax experientiae simulacrum; cum plaris me referat ut observationes mox memorandæ omni labe vacare videantur, hic Clarissimus *Petit* testimonio gloriari me, predicare liceat; eximius ille vir, nobis sanctè asseveravit nullam, in curandis infantum convulsionibus, expectandam opem ab antispasmodicis, siquidem ea multoties idoneo advocatus tempore, adhibuisset citrà ullum successum; contra vero quoties, vix elapsis post primam convulsionem duodecim horis, accessit fuisse spes nunquam ab Ipecacuanhæ usu delusas fuisse, innumerosque infantes imminenti mortis periculo sic ereptos, evasisse; vana protulit in medium exempla; ~~et longè excurram, placet huic sequenti duntaxat immorari;~~ infans quatuor abhinc mensibus natus laborabat convulsionibus; jam trigenta sex horæ

effluerant, & infans morti proximus, deglutire jam non poterat; advolat opem laturus Clarissimus *Peit*, jubet injici clisma cui affusa fuisset vini emetici drachma una & semi; ut per quoddam tempus moras necceret clisma in intestinis, indusiorum ope anum occludi voluit; post unam circiter horam, ingentes in tractu intestinali turbæ, cient vomitus enormes, sequitur copiosior alvi fluxus, fugatiquè convulsionibus, redit alma sanitas, si assensum ista non cogant, vix quid. quam in rebus medicis pro certo tenendum.

V.

NE quis temerè objiciat, in infantum affectibus, cautè admodum cum emeticis esse mercandum; nonne apud infantes ex voto naturæ adcess vomitus, & facilius ad vomitum propensio? nonne propter delitescentem in primis viis saburram, perpetuò, ut ità dicam, requiritur vomendi necessitas, aliundè mitiora tantùm & refracta dosi usurpantur emetica, ut *Specacuanha*; sed cur nostros sistunt gressus inanes timorum umbræ? clara experientiæ vox ab omni objectione vendicat certitudinem conclusionis.

Ergò convulsionibus recens natorum vomitoria.

DOMINI DOCTORES DISPUTATURI.

M. Franciscus - Nicolaus ST-MONNET, Parisinus, in Senatu Patrons.

M. Franciscus DOUBLET, Carnuteus, in Senatu Patronus.

M. Tuffanus - Claudius - Nicolaus NAVIER, Catalaunensis, Academiæ Catalaunensis Socius.

M. Edmundus-Joachinus BOURDOIS DE LA MOTTE, Senonensis.

M. Michaël-Franciscus DE LA PLANCHE, Parisinus.

M. Christophorus Nicolaus DE JUSSIEU, Lugdunus.

M. Ludovicus-Joannes-Baptista COSNIER, Parisinus.

M. Petrus-Augustinus ADET, Parisiensis.

M. Joannes Jacobus MESSENCE, Andegavensis.



Proponebat Parisiis JOSEPHUS - VICTOR LENDORMY LAUCOUR;
Mondiderinus, Doctor Medicus Remensis, necnon Saluberrimæ Facultatis
Medicinæ Parisiensis Baccalaureus, A. R. S. H. 1781. AB OCTAVA AD
MERIDIEM.

*† mort à amis, et à tous pour sa réputation.
vrai médecin de salon - Homme d'ailleurs très
spirituel, très aimable; aimant aussi la bonne chère.
il se mort à ses amis, et le chagrin a été la fin.*

Typis QVILLAV, Saluberrimæ Facultatis Medicinæ Typographi 1781.
il n'était rien moins qu'endormi.